

四庫全書

集部

欽定四庫全書

柳河東集卷二十六

唐 柳宗元 撰

記十一首

監祭使壁記

舊史職官志監察御史監祭祀則閱牲牢省器服不敬則劾祭官新史志

云監察御史涖宴射習射及大祠中祠視不如儀者以聞公貞元十九年閏十月拜監察御史是年十一月監察御史崔遠入臺近不練故事遠式流崖州此公所謂御史多闕予班在三人之下進而領焉者也明年劉禹錫始復舊制蓋是時劉亦拜監察御史云然劉本傳其革正制

令皆不載其曰明年此
記貞元二十年作也

禮檀弓曰祭禮與其敬不足而禮有餘也不若禮不足而敬有餘也是必禮與敬皆足而後祭之義行焉周禮祭僕視祭祀有司百官之戒具誅其不敬者漢以侍御史監祠漢百官志侍御史凡郊廟之祠及大朝會大封拜則一人監威儀有違失則劾奏唐開

元禮凡大祠若干中祠若干咸以御史監視祠官有不

如儀者以聞其劾印移書則曰監祭使

明皇開元中張說以貞觀顯慶

禮儀注前後不同宜加折中以為唐禮乃詔徐堅施敬本蕭嵩王仲立撰定為一百五十卷是為大唐開元禮

寶應中

肅宗上元二年改元寶應

尤異其禮更號祠祭使俄復其初

又制凡供祠之吏雖當齋戒得以決罰由是禮與敬無
不足者聖人之於祭祀非必神之也蓋亦附之教焉事
於天地示有尊也不肅則無以教敬事於宗廟示廣孝
也不肅則無以教愛事於有功烈者示報德也不肅則
無以勸善凡肅之道自法制始奉法守制由御史出者
也故將有事焉則祠部上其日吏部上其官奉制書以
來告然後頒於有司以謹百事太常修其禮光祿合其

物百工之役先一日咸至於祠而考閱焉御史會公卿

有司執簡而臨之故粢盛牲牢酒醴菜果之饌

粢音資盛音成

必實於庖厨鐘鼓笙竽琴瑟戛擊之樂

戛訖點切書戛擊鳴球注戛擊

祝敵所以作止樂

箕虞綴兆之數

箕音荀虞其呂切樂器所垂也周禮梓人為箕虞

必

具於庭內樽彝罍洗俎豆醎斚之器必潔於壇堂之上

鼎音雷洗音薛醎音蓋斚音賈又音稼鬱鬯尊又玉爵名

奉奠之士贊禮之童樂工

舞師洎執役而衛者咸列若其實

列若一作引數

設簠朴於堂

下以修官刑而羣吏莫敢不備物羅奏牘於几上以嚴

天憲而衆官莫敢不盡誠而祭之日先升立於西階之

上以待卒事其禮之周旋樂之節奏必周知之退而視

其燔燎瘞埋

燔音煩燎音了瘞於例切埋也

終之以敬也居常則飭四

方祀貢之物以時登於王府服器之修具祠宇之繕理

牛羊毛滌之節三宮御廩之實畢備之而聽命焉舊以

監察御史之長居是職貞元十九年十二月御史多缺

予班在三人之下進而領焉明年中山劉禹錫始復舊

制由禮與敬以臨其人而官事益理制令有不宜於時

者必復於上輩而正之於是始為記求簿書得為是職者若干人書焉

四門助教廳壁記

禮記天子設四學鄭氏注云謂周四郊之虞庠也四門學蓋取

四郊之意始於後魏時以遼遠故置四門而唐又始合于太學至是柳立武儒衛歐陽詹為之紀名氏於壁而公為之記也據韓文公集有歐生詹哀詞序云貞元十五年冬余以徐州從事朝正於京師詹為國子四門助教將率其徒服闕下則三公之在四門館蓋在貞元十五六年間記是時作也武儒衛歐陽詹史皆有傳

周人置虞庠於四郊以養國老教胄子祭統曰天子設

四學蓋其制也易傳太初篇曰天子旦入東學晝入南

學夕入西學暮入北學蔡邕引之以定明堂之位焉

漢東

志蔡邕明堂論曰明堂者天子太廟所以崇禮其祖以配上帝者也謹承天隨時之令昭令德宗祀之禮明前功百辟之勞起尊老敬長之義顯教幼誨穉之學朝諸侯選造士於其中故為大教之宮而四學具焉云云九明堂太室辟雍太學事通合之義也其間兼取易傳禮記保傳篇之說

大戴禮保傳篇曰

帝入東學以貴仁入南學以貴信入西學以貴德入北

學以尊爵賈生述之以明太子之教焉

漢賈誼舉上保傳篇帝入學之

教於時政書曰及太子少長知妃色則入於學學者所學之官也學禮曰云云此五學者既成於上則百姓黎

民化輯於下矣

故曰為大教之官而四學具焉叅明堂之政原

大教之極其建置之道宏也後魏太和中立學於四門

置助教二十人

北史劉芳傳太和二十年發勅立四門博士於四門置學

隋氏始隸

於門子而降置五人皇朝始合於太學又省至三人

舊史

志四門博士三人助教三人四門博士掌教文武七品以上及侯伯子男之為生者若庶人子為俊士生者教法如太學通四經業成上尚書吏部試登第者加階放選也

員位彌簡其官尤難非

儒之通者不列也四門學之制掌國之上士中士下士

凡三等侯伯子男凡四等其子孫之為胄子者及庶士

庶人之子為俊士者使執其業而居其次就師儒之官

而考正焉助教之職佐博士以掌鼓篋榘楚之政令

學記入學

鼓篋孫其業也榘楚二物收其威也鼓篋擊鼓警衆乃發篋出所治經業榘古雅切稻也楚荆也二者所以朴

撻犯禮者

分其人而教育之其有通經力學者必於歲之

杪音眇末也

升於禮部聽簡試焉課生徒之進退必酌於

中道非博雅莊敬之流固不得臨於是故有去而升於

朝者賀秘書由是為博士

賀秘書知章也舊史知章舉進士初授國子四門博士又

遷太常博士後遷太子賓客授秘書監

歸散騎由是為左拾遺

歸散騎崇敬也天寶

中舉博通典墳科對策第一遷四門博士有詔舉賢才可宰百里者復策高等授左拾遺德宗時遷翰林學士左散騎常侍舊制以拾遺為八品清官故必以名實者居於

其位貞元中王化既成經籍少間有司命太學之官頗以為易專名譽好文章者咸恥為學官至是河東柳立始以前進士求署茲職天水武儒衡閩中歐陽詹又繼之是歲為四門助教凡三人皆文士京師以為異余與立同祖於方輿公一無上三字方輿公諱僧習後魏時為揚州大中正尚書右丞方輿公與武公同升於禮部與歐陽生同志於文四門助教署

未嘗紀前人名氏余故為之記而由夫三子者始

武功縣丞廳壁記

唐之京師古雍州之地秦之咸陽而漢之長安也唐屬關內道

云京兆尹理京師在隋領大興長安新豐渭南鄭華陰藍田鄠藍屋始平武功上宜醴泉涇陽雲陽三原宜君同官華原富平萬年高陵二十二縣唐武德元年改京兆府為雍州而縣之分改廢置不一武功本周后稷所分之地周紀所謂封棄於郃是也漢志右扶風有釐美陽武功三縣至是合為一故武功為甸內縣最大武德初又分武功好畤藍屋扶風四縣為稷州蓋因后稷所封為名貞觀元年州廢縣皆屬京兆天授中復以置稷州大足元年又廢如初至是元和十五年改邑於南里而丞廳壁壞前所官署舊記皆逸無繼後三年陳南仲居是官乃因其

族子存持地圖而求公為記蓋當
貞元十八年也公時為藍田尉云

殷頌曰邦畿千里周制千里之內曰甸服穀梁謂之寰
內諸侯為王內臣其制甚重今京兆尹理京師部二十
有三縣幅員之廣其猶古也縣吏之長曰令曰丞丞之
位正八品下蓋丞述六職以輔其令也秦漢有丞相今
尚書有左右丞御史中丞至於九卿之列亦皆有丞下
以達天下之縣政有大小其旨同也武功為甸內大縣
按其圖古后稷封有簠之地

簠與郃同史記作郃音胎

秦作四十一

縣萊美陽武功各異至是合焉蓋嘗為稷州已而復縣

其土疆沃美高厚有丘陵墳衍之大其植物豐暢茂遂

有秬秠藿菽之宜

秬黑黍也秠音丕一稗二米也

其人善樹藝其俗有

禮讓宜乎其大雅之遺烈焉

大雅言詩之大雅也詩大雅生民篇文武之功起於

后稷推以配天焉詩云即有邰家室又云誕降嘉種維秬維秠恒之秬秠是獲是畝即公秬秠藿菽之宜之意

貞元十五年改邑於南里既成新城凡官署舊記壁壤

文逸而未克繼之者後三年而潁川陳南仲居是官邑

人宜之號為簡靖因其族子存持地圖以來謁余為記

夫以武功疆理之大人徒之多而陳生以簡靖輔其理

斯固難矣漢高帝嘗詔天下凡以戰得爵士大夫公乘

以上令丞與抗禮

漢高帝即位乃西都洛陽兵皆罷歸詔曰士大夫公乘以上皆高爵也諸

侯子及從軍歸者甚多高爵吾數詔吏先與田宅及所當求於吏者丞與爵或人君上所尊禮久立吏前曾不為決甚亡謂也異日秦民爵公卿大夫以上令吏與抗禮注言從公大夫以上民與令丞抗禮抗禮言高下相當無所卑屈故為吏益難今天子崇武念功與漢初相類分

禁旅以守縣道武功為多陳生為丞於是而又職盜賊

其為理無敗事吾庸可度哉為之記云

盤屋縣新食堂記

唐自天寶亂後兵政紊蕩肅宗時京畿之西以神策軍鎮之皆

屯營軍司之人散處甸內皆恃勢凌暴民間苦之此公謂西郊捍戎者也蓋嘗考之自肅宗乾

元元年戊戌至德宗建中四年癸亥為二十六年是歲李希烈反十月涇原節度使姚令原反

犯京師德宗如奉天則西郊之屯至是去矣自是歲癸亥至貞元十七年辛巳為十九年此與

公記所載皆合盤屋畿內縣也堂作於貞元十八年五月記亦是時作主簿某名氏不可考云

盤音舟

屋音室

貞元十八年五月某日新作食堂於縣內之右始會食也自兵興以來西郊捍戎縣為軍壘二十有六年羣吏

咸寓于外兵去邑荒棟宇傾圯

部鄣切

又十有九年不克

以居由是縣之聯事離散而不屬凡其官僚罕或覲見及是主簿某病之於是且掌功役之任廩庫既成學校既修取其餘材以構斯堂其上棟自南而北者二十有二尺周阿峻嚴列楹齊同其飾之文質階之高下視邑之大小與羣吏之秩不陋不盈高山在前流水在下可以俯仰可以宴樂既成得羨財可以為食本月權其贏羞膳以充乃合羣吏於茲新堂升降坐起以班先後始

正位秩之叙禮儀笑語講議往復始會政事之要筵席
肅莊罇俎靜嘉燔炮烹飪音稔益以酒醴始獲僚友之樂

卒事而退舉欣欣焉曰惟禮食之來古也今京師百官
咸有斯制旬服亦王之內邑且官有聯屬則宜統會以
齊之也嚮之離而今之合其得失也遠甚我是以肅焉
而莊衍焉而和羣疑以亡嘉言以彰旨乎其在此堂也
不唯其馨香醉飽之謂某之力也夫宜伐石以志使是
道也不替于後乃列其事來告使余書之

諸使兼御史中丞壁記

唐初諸使未嘗加御史之名自明皇開元以來使之

制愈重故有兼御史者德宗初又罷宣歙池鄂岳沔三郡團練觀察使陝虢都防禦使以其地分隸諸道後置東都畿觀察而以留臺御史中丞為之建中間又以御史中丞一員為理匭使故兼御史中丞為使者不一嘗自開元初考之至貞元二十年間其有兼中丞為節度使者曰楊國忠曰令狐彰曰宗正卿琬曰盧羣有為節度觀察處置使者曰蕭華有為團練觀察使者曰李栖筠曰李道昌有為節度觀察使者曰張獻恭有為觀察使者曰杜亞曰衛晏曰楊瑒有為都團練使者曰吳希光曰張愔有為經略使者曰戴叔倫曰張正元有為冊南詔使者曰袁滋有為節度留後者曰田悅明皇帝幸蜀有為置頓閭道使者曰韋諤曰宋若思是皆兼中丞

者也外又有自為中丞出為使者或䟽決囚徒或賑恤水旱或黜陟官吏者不一又有兼御史大夫而使者或為節度或為轉運度支鹽鐵或為防禦諸使者又不一要皆兼御史而其權益不輕舊史武元衡貞元二十年遷御史中丞時以詳整稱重此公所謂武公以厚德居位者也公時為監察御史故曰命其屬書之記是年作明年公遷禮部郎云

古者交政於四方謂之使今之制受命臨戎職無所統屬者亦謂之使凡使之號蓋專焉而行其道者也開元以來其制愈重故取御史之名而加焉至于今若干年其兼中丞者若干人其使絕域統兵戎按州部專貨食

而柔遠人固王略齊風俗和關石大者戡復于內拓定

于外

戡音堪
拓音託

皆得以壯其威張其聲其用遠矣假是名

以蒞厥職而尊嚴若是況乎總憲度於朝端樹風聲於

天下其所以翼于君正于人者尤可以知也武公以厚

德在位甚宜其官視其署有記諸使中丞者而多闕漏

於是求其故於詔制而又質於史氏增益備具遂命其

屬書之且曰由其號而觀其實後之居於斯者有以敬

于事

館驛使壁記

唐都長安屬關內道道管州三十七縣百三十五華同鳳翔邠坊商在京

畿之四維洋雖屬山南道而與京兆接故關驛在焉新史百官志駕部掌傳驛驛有長舉天下四方之所達為驛千六百三十九今記所載驛凡四十七蓋邦畿之內者也大厯以來始命御史為之使而印未刻至是貞元十九年韓泰始鑄印正其名而公為之記以署于壁泰字安平貞元二十年與公同為監察御史記次前篇亦二十年作也泰新史附王叔文傳

凡萬國之會四夷之來天下之道塗畢出於邦畿之內

奉貢輸賦修職於王都者入覲于闕

一作入于近關

則皆重足

錯轂以聽有司之命徵令賜予布政於下國者出于甸

服而後按行成列以就諸侯之館故館驛之制於千里

之外尤重自萬年至于渭南

萬年渭南屬京兆府

其驛六其蔽曰

華州其關曰潼關自華而北界于櫟陽

潼關在華陰華陰櫟陽屬華州

縣其驛六其蔽曰同州其關曰蒲津自灞而南至于藍

田

灞水出藍田谷西北入于渭藍田京兆府縣

其驛六其蔽曰商州其關曰

武關自長安至于盤屋

長安屬京兆府盤屋初屬京兆後屬鳳翔府盤音舟屋音室

其驛十有一其蔽曰洋州其關曰華陽自武功而西至

于好時

武功好時皆京兆府縣時音止

其驛三其蔽曰鳳翔府其關曰

隴關自渭而北至于華原

渭水出京兆華原京兆府縣

其驛九其蔽

曰坊州自咸陽而西至于奉天

咸陽奉天皆京兆府縣

其驛六其

蔽曰邠州由四海之內總而合之以至于關由關之內

束而會之以至于王都華人夷人往復而授館者旁午

而至傳吏奉符而閱其數縣吏執牘而書其物告至告

去之役不絕於道寓望迎勞之禮無曠於日而春秋朝

陵之邑皆有傳館其飲飫饋饋咸出於豐給

既於據切繕完

築復必歸於整頓列其田租布其貨利權其入而用其

積於是有出納奇贏之數勾會考校之政大厯十四年
始命御史為之使俾考其成以質于尚書季月之晦必
合其簿書以視其等列而校其信宿必稱其制有不當
者反之於官尸其事者有勞焉則復于天子而優升之
勞大者增其官其次者降其調之數又其次猶異其考
績官有不職則告而罪之故月受俸二萬于太府史五
人承符者二人皆有食焉先是假廢官之印而用之貞
元十九年南陽韓泰告于上始鑄使印而正其名然其

嗣當斯職未嘗有記之者追而求之蓋數歲而往則失之矣今余為之記遂以韓氏為首且曰修其職故首之也

嶺南節度饗軍堂記

嶺南五府廣州安南桂容邕也節度使理廣州舊史馬摠

元和四年兼御史中丞充嶺南都護本管經略使八年自桂管觀察使為廣州刺史嶺南節度使記所謂扶風公即摠也公時為永州司馬記是時作

唐制嶺南為五府府部州以十數其大小之戎號令之

用一作名則聽于節度使焉其外大海多蠻夷由流求

訶陵西抵大夏康居環水而國以百數則統于押藩舶

使焉內之幅員萬里以執秩拱稽時聽教命

一作就秩拱玉稽時

聽教命

外一有境字

之羈屬數萬里以譯言贊寶歲帥貢職合

一有外字

二使之重以治于廣州故賓軍之事宜無與校大

且賓有牲牢饗餼

饗於恭切熟食也餼虛器切饋餉也

嘉樂好禮以同遠

合䟽軍有犒饋宴饗勞旋勤歸以羣力一心於是治也

開闔階序不可與他邦類必厚棟大梁夷庭高門然後

可以上克於揖讓下周於步武今御史大夫扶風公廉

廣州且專二使增德以來遠人申威以修戎政大饗宴

合樂從其豐盈先是為堂於治城西北陬

子侯切

其位公

北向賓從南向奏部伎于其西視泉池于其東隅與庠

側庭廡下陋日未及晡

一作吳

則赫炎當目汗眩更起而

禮莫克終故凡大宴饗大賓旅則寓于外壘儀形不稱

公於是始斥其制為堂南面橫八楹從十楹嚮之宴位

化為東序西又如之其外更衣之次膳食之宇列觀以

游目偶亭以展聲彌望極顧莫究其往泉池之舊增濬

益植以暇以息如在林壑問工焉取則師輿是供問役
焉取則蠻貊是徵問材焉取則隙宇是遷或益其闕伐
山浮海農賈拱手張目視具乃十月甲子克成公命饗

于新堂幢牙茸燾

幢閭江切茸而容切燾音導以
楚牛尾為之繫左駢馬軛上

金節

析羽旆旗旗旒

旗戈於切周禮鳥隼為
旗旒似醉切金羽為旒

咸飾于下鼓以

鼗鼓

一作晉
鼗音墳

金以鐸鏡公與監軍使肅上賓延羣僚將

校士吏咸次于位卉裳芻衣

芻音計西胡羴布織毛為
之若今氍毹及氍毹之類

胡夷蠻蠻

蠻音但
蠻屬

睢盱就列者千人以上劓鼎

劓音
刑體

節燔炮載炙

載側吏切大醬也炙之夜切

羽鱗狸互之物沉泛醢盎

之齊

醢他禮切盎於浪切齊才詣切周禮有醢齊盎齊酒名也

均飫于卒士興王之

舞服夷之伎楔擊吹鼓之音

楔古八切亦作戛吹尺瑞切

飛騰幻一作

眩怪之容褰觀于遠邇禮成樂遍以叙而賀且曰是邦

臨護之大五人合之非是堂之制不可以備物非公之

德不可以容衆曠于往初肇自今茲大和有人以觀遠

方古之戎政其曷用加此華元名大夫也殺羊而御者

不及

宋華元也文公九年代公子成為右師鄭之伐宋也受命于楚華元樂呂禦之戰于大棘將戰華元

殺羊食士其御羊斟不與及戰曰疇昔之羊子霍去病為政今日之事我為政與入鄭師宋師敗績

良將軍也餘肉而士有飢色

霍去病少而侍中貴不省士其從軍上為遣太官齎

數十乘既還重車餘奔梁肉而士有飢色猶克稱能以垂到今矧茲具美其

道不廢願訪于金石以永示後祀遂相與來告且乞辭

某讓不獲乃刻于茲石云

邠寧進奏院記

作之年月具見于記

凡諸侯述職之禮必有棟宇建于京師朝覲為修容之

地會計為交政之所其在周典則皆邑以具湯沐

王制方伯

為朝天子者皆有湯沐之邑於天子之縣內視元士注給齋戒自潔清之用浴用湯沐用潘

其在漢制則

皆邳以奉朝請

漢法諸侯春見曰朝秋見曰請文帝紀云至邳而議之顏師古曰郡國朝宿之舍在京師

者率名邳邳至也丁禮反

唐興因之則皆院以備進奏政以之成禮於是

具由舊章也皇帝宅位十一載悼邊氓之未入惡兇虜之猶

阻博求羣臣以朗寧王張公為能俾其建節剖符守股肱之

郡統爪牙之職董制三軍撫柔萬人乃新斯院弘我舊規

高其閑闔壯其門閭以奉王制以修古典至敬也以尊朝

覲以率貢職至忠也執忠與敬臣道畢矣公嘗鳴佩執玉

展禮天朝又嘗伐叛獲醜獻功魏闕其餘歸時事修常職
賓屬受辭而來使旅賁奉章而上謁稽疑於太宰質政於
有司下及奔走之臣傳遽之役川流環運以達教令大凡
展采於中都率由是焉故領斯院者必獲歷閭闔登太清
仰萬乘之威而通內外之事王宮九闕而不間轅門十舍
而如近乃軍府之要樞一作會邠寧之能政也邠寧一作朗寧惟公
端明而厚溫裕而肅宏略特出大志高邁施禮下邑而黎
人咸懷設險一作捍敵西陲而戎虜伏息成功溢于太常盛烈

動於人聽則斯院之設乃他政之末者也贊公於他政之末故詞不周德稱公於天子之都故禮不稱位斯古道也貞元十二年十月六日河東柳宗元為記

興州江運記

嚴公嚴礪也舊史礪本傳先是礪從弟震在山南為牙將礪在軍歷職至

山南東道節度都虞候興州刺史兼監察御史貞元十五年震卒以礪權留府事兼遺表薦礪才堪委任即以是年七月起授興元尹兼御史大夫山南西道節度度支營田觀察使而此記云收于梁五年蓋自十六年至貞元二十一年為五年也是歲順宗即位故曰嗣天子謂公有功德理行就加禮部尚書然傳旨不載加禮部尚書事豈略之耶

御史大夫嚴公牧于梁五年嗣天子舉周漢進律增秩
之典以親諸侯謂公有功德理行就加禮部尚書是年
四月使中謁者來錫公命賓僚吏屬將校卒士鰲老童
孺填溢公門舞躍歡呼願建碑紀德垂億萬祀公固不
許而相與怨咨遑遑如不飲食於是西鄙之人一作四鄙密
以公密一作私刊山導江之事願刻巖石曰維梁之西
其蔽曰某山其守曰興州興州之西為戎居歲備亭障
實以精卒以道之險隘兵困于食守用不固公患之

一無

之患曰吾嘗為興州凡其土一無人之故吾能知之自長

舉北至於青泥山又西抵于成州過栗亭川踰寶井堡

崖谷峻隘十里百折負重而上若蹈利刃盛秋水潦到

切窮冬雨雪一作水潦于深泥積水相輔為害顛踣騰

藉藉音匍僵也血流棧道糗糧芻藁填谷委山牛馬羣

畜相藉物故藉一作枕餽夫畢力餽音運說文守卒延頸噉

噉之聲其可哀也若是者綿三百里而餘自長舉之西

可以導江而下二百里而至昔之人莫得知也吾受命

于君而育斯人其可已乎乃出軍府之幣以備器用即

山就功

就即切

由是轉巨石仆大木焚以炎火沃以食醯

馨兮切

摧其堅剛化為灰燼畚鍤之下

畚音本鍤測洽切

易甚朽

壤

新史地理志興州長舉縣元和中節度使嚴礪自縣而西疏嘉陵江二百里焚巨石沃醯以碎之通溝以

饋成州戍兵

乃闢乃墾乃宣乃理隨山之曲直以休人力順

地之高下以殺湍悍

一作水怒湍他官切悍音旱

厥功既成咸如其

素於是決去壅土疏導江濤萬夫呼拊莫不如志雷騰

雲奔百里一瞬既會既遠澹

一作淡

為安流烝徒謳歌枕

卧而至戍人無虞專力待寇惟我公之功疇可侔也而

無以酬德致其大願又不可得命矧公之始來屬當惡

歲府庾甚虛器備甚殫

音殫

飢饉昏札

饉音僅

死徒充路賴

公節用愛人克安而生老窮有養幼乳以遂不問不使

咸得其志公命鼓鑄庫有利兵公命屯田師有餘糧選

徒練旅有衆孔武平刑議獄有衆不黷增石為防膏我

稻梁歲無凶災家有積倉傳館是飾旅忘其歸虹梁不

成

虹梁一作杠梁

人不履危若是者皆以戎隙帥士而為之不

出四方之力

一作四人

而百役已就且非我

一無非字

西鄙之職

官故不能具舉惟公和恒直方廉毅信讓敦尚儒學揖

損貴位率忠與仁以厚其誠有可以安利于人者行之

堅勇不俟終日其興功濟物宜如此其大也昔之為國

者惟水事為重故有障大澤勤其官而受封國者矣西

門遺利史遷興歎

史記西門豹為鄴令發民鑿十二渠引河水灌民田田皆溉名聞天下澤

流後世無絕已時幾可謂非賢大夫哉

白圭壑隣孟子不與

白圭曰丹之治水也愈於

禹孟子曰子過矣禹之治水水之道也是故禹以四海為壑今吾子以隣國為壑吾子過矣

公能夷

險休勞以惠萬代其功烈尤章章焉不可蓋也是用假
辭謁工勒而存之用永憲于後祀

全義縣復北門記

全義縣屬桂州集中有送內弟
盧遵遊桂州序云以余棄于南

服來從余五年矣蓋遵之遊桂在
元和四年其為全義又在後也

賢之興而愚之廢復之為是循之為非

一作賢者之興
而愚者之廢廢

而復之為是習
而循之為非

恒人且猶知之不足乎列也然而復其

事必由乎賢者推是類以從於政其事可少哉賢莫大

於成功愚莫甚於悛且誣

悛音
吝

桂之中嶺而邑者曰全

義衛公城之南越以平盧遵為全義視其城塞北門鑿他雉以出問之其門人曰餘百年矣或曰巫言是不利

於令故塞之或曰以賓旅之多有懼竭其餽饋者

餽許既切

饋音匱

欲迴

去聲

其途故塞之

一無去聲二字

遵曰是非恠且誣歟

賢者之作思利乎人反是罪也余其復之詢于羣吏協

叶

厥謀上于大府大府以俞邑人便焉謹舞里閭居者

思正其家行者樂出其塗由道廢邪用賢棄愚推以革

物宜民之蘇若是而不列殆非孔子徒也為之記云



柳河東集卷二十六

欽定四庫全書

集部

柳河東集卷

二十七至
三十

詳校官內閣學士臣瑞保

檢討臣何思鈞覆勘

總校官進士臣朱 鈐

校對官編修臣吳舒帷

謄錄監生臣丁舜年

欽定四庫全書

柳河東集卷二十七

唐柳宗元撰

記六首

潭州東池戴氏堂記

弘農公楊憑也憑刺潭州在貞元十九年間記云刺潭三

年當永貞元年也是年公謫永州司馬過潭而作據集有與楊誨之書誨之憑之子也書云及

至潭州乃見足下是憑永貞元年尚在潭而公過之作是記明矣

弘農公刺潭三年因東泉為池環之九里

一作三里

丘陵林

麓距其涯垣島渚洲交其中

垣音遲水中高地一曰小渚

其岸之突

而出者水縈之若玦焉

玦古穴切

池之勝於是為最公曰是

非離世樂道者不宜有此卒授賓客之選者譙國戴氏

曰簡為堂而居之堂成而勝益竒望之若連艦縻艦

戶點

切戰船

與波上下就之顛倒萬物遼廓眇忽樹之松栢杉

櫛

音諸木名似栴葉冬不落

被之菱芡芙蓉蘊鬱然而陰粲然而榮凡

觀望浮游之美專於戴氏矣戴氏嘗以文行累為連率

所賓禮貢之澤宮而志不願仕與人交取其退讓受諸

侯之寵不以自大其離世歟好孔氏書旁及莊文莫不
總統以至虛為極得受益之道其樂道歟賢者之舉也
必以類當弘農公之選而專茲地之勝豈易而得哉地
雖勝得人焉而居之則山若增其高水若闢而廣堂不
待飾而已矣戴氏以泉池為宅居以雲物為朋徒攄
幽發粹日與之娛則行宜益高文宜益峻道宜益懋交
相贊者也既碩其內又揚于時吾懼其離世之志不果
矣君子謂弘農公刺潭得其政為東池得其勝授之得

其人豈非動而時中者歟於戴氏堂也見公之德不可以不記之

桂州訾家洲亭記

裴公行立也本傳威聲風行徙桂管觀察使記云當天子平淮

夷定河朔告于諸侯據史元和十二年冬蔡州平詔至嶺表在元和十三年矣記是時作公時

刺柳州

大凡以觀游名於代者不過視於一方其或傍達左右則以為特異至若不驚遠驚音務馳也不陵危環山洄江四出如一夸竒競秀咸不相讓徧行天下者唯是得之桂

州多靈山發地峭竪林立四野署之左曰灘水

灘音離
灘水出

零陵水之中曰訾氏之洲

訾音紫又
即移切

凡嶠南之山川

嶠渠
廟切

達于海上於是畢出而古今莫能知元和十二年御史

中丞裴公來蒞茲邦都督二十七州諸軍州事盜遁姦

革德惠敷施暮年政成而當天子平淮夷定河朔告于

諸侯公既施慶于下乃合僚吏登茲以嬉觀望悠長

悠

一作倬悼前之遺於是厚貨居昨移于閒壤伐惡木剗奧草

制扶弗切前指後畫心舒目行忽焉若飄浮上騰以臨雲氣

萬山面內重江束隘

鳥懈切亦作阨

聯嵐含輝旋視具宜常所

未覩倏然牙見

倏音叔走也牙與互同

以為飛舞奔走與遊者偕

來乃經工庀材考極相方南為燕亭延宇垂阿步簷更

衣周若一舍北有崇軒以臨千里左浮飛閣右列閒館

比舟為梁與波升降苞離山涵龍宮昔之所大蓄在亭

內

亭一作庭

日出扶桑雲飛蒼梧海霞島霧來助游物其隙

則抗月檻於迴谿出風榭於篁中晝極其美又益以夜

列星下布顯氣迴合

顯音浩

遽然萬變若與安期羨門

安期

羨門古仙人也

接於物外則凡名觀游於天下者有不屈伏退

讓以推高是亭者乎既成以燕歡極而賀咸曰昔之遺

勝槩者必於深山窮谷人罕能至而好事者後得以為

已功未有直治城挾闌闌

上音環下音潰

車輿步騎朝過夕視

訖千百年莫或異顧一旦得之遂出於他邦雖博物辯

口莫能舉其上者然則人之心目其果有遼絕特殊而

不可至者耶蓋非桂山之靈不足以環觀非是州之曠

不足以極視非公之鑒不能以獨得噫造物者之設是

久矣而盡之於今余其可以無藉乎

邕州馬退山茅亭記

邕州公名寬字存諒公嘗誌其墓又有祭文云從事諸侯

假于郡藩即記所謂以方牧之命試于是邦者也記云歲在辛卯蓋元和六年而墓誌載其是

年八月辛豈此記在前作歟

冬十月作新亭于馬退山之陽因高丘之阻以面勢無

構櫨節稅之華

構音薄柱也櫨音盧柱上跗也語山節藻稅注稅音拙節者栢刻鏤為山稅者

梁上楹畫為藻文

不斲椽

斲音卓

不剪茨不列墻以白雲為藩籬

碧山為屏風昭其儉也是山峩然起於莽蒼之中

峩慈恤切

突出 馳奔雲矗

初六切

亘數十百里尾蟠荒陬首注大溪

諸山來朝勢若星拱蒼翠詭狀綺綰繡錯蓋天鍾秀於

是不限於遐裔也然以壤接荒服俗參夷徼

音周

王之

馬跡不至

謂周穆王駕八駿之乘肆意遠遊宿於崑崙之阿賓于西王母觴于瑤池之上而不至此

也謝公之履齒不及

謂謝安放情丘壑而不及此也謝安傳聞謝玄已破苻堅不覺履齒

之折巖徑蕭條登探者以為嘆歲在辛卯我仲兄以方牧

之命試于是邦其德及故信孚信孚故人和人和故政

多暇由是嘗徘徊此山以寄勝槩廼堅廼塗

堅音洎

作我

攸宇於是不崇朝而木工告成每風止雨收煙霞澄鮮
輒角巾鹿裘率昆弟友生冠者五六人步山椒而登焉
於是手揮絲桐目送還雲西山爽氣在我襟袖以極萬
類攬不盈掌夫美不自美因人而彰蘭亭也不遭右軍

則清湍脩竹蕪沒於空山矣

王羲之嘗與同志宴集於
會稽山陰之蘭亭羲之自

為之序有云此地有崇山峻嶺茂林脩竹又
有清流激湍映帶左右引以為流觴曲水

是亭也僻

介閩嶺佳境罕到不書所作使盛跡鬱堙是貽林澗之

媿故志之

永州新堂記

公元和元年貶永州在永凡十年其州刺史見本集者六元和元年刺史

韋公見賀改元表二三年刺史馮公見修淨土院記元和五年以前刺史崔君敏見南池讌集序及墓誌後又有崔簡者未上以罪去見簡墓誌等文元和十年刺史崔能見湘源二妃廟碑萬石亭此記所謂韋公者蓋在七年八年者也見集上嶺南鄭相公啓及黃溪祈雨詩記在七年

年作

將為穹谷嵒巖

嵒五男五咸二切

淵池於郊邑之中則必輦山

石溝澗壑凌絕險阻疲極人力乃可以有為也然而求天作地生之狀咸無得焉逸其人因其地全其天昔之

所難今於是乎在永州實惟九疑之麓其始度土者環
山為城有石焉翳乎奧草有泉焉伏于土塗虵虺之所
蟠狸鼠之所游茂樹惡木嘉葩毒卉亂雜而爭植號為
穢墟韋公之來既逾月理甚無事望其地且異之始命
芟其蕪行其塗積之丘如蠲之瀏如

瀏力
救切

既焚既醺

山
宜

切奇勢迭出清濁辨質美惡異位視其植則青秀敷舒
視其蓄則溶漾紆餘怪石森然周于四隅或列或跪或
立或仆竅穴透邃堆阜突怒乃作棟宇以為觀游凡其

物類無不合形輔勢効伎於堂廡之下外之連山高原

林麓之崖間厠隱顯邇延野綠遠混天碧咸會于譙門

之外

陳勝傳與守丞獨戰譙門中顏師古曰譙門於門上為高樓以望耳樓一名譙故謂美麗之樓為麗

譙譙亦呼為巢所謂巢居者亦於兵車之上為樓以望敵也譙巢聲相近本一物也已乃延客入

觀繼以宴娛或賛且賀曰見公之作知公之志公之因

土而得勝豈不欲因俗以成化公之擇惡而取美豈不

欲除殘而佑仁公之蠲濁而流清豈不欲廢貪而立廉

公之居高以望遠豈不欲家撫而戶曉夫然則是堂也

豈獨草木土石水泉之適歟山原林麓之觀歟將使繼
公之理者視其細知其大也宗元請志諸石措諸屋漏
壁編一作以為二千石楷法

永州萬石亭記

崔公名能新史有傳公集中湘源二妃廟碑亦云州刺史御史中丞

崔公能即此也作
之年月記具載

御史中丞清河男崔公來蒞永州間日

一作
百日

登城北墉

臨于荒野藂翳之隙

藂與叢同
翳一計切

見怪石特出度其下必

有殊勝步自西門以求其墟代竹披奧歌側以入縣谷跨谿

皆大石林立渙若奔雲錯若置碁怒者虎鬬企者鳥厲

抉其穴則鼻口相呀搜其根則蹄股交峙

服一作肱

環行卒

愕

一作愕目卒倉沒切愕音諤

疑若搏噬於是剗闢朽壤翦焚榛蕞

於廢切荒蕪也

決澮溝導伏流散為踈林洄為清池寥廓泓渟

上烏宏切下音亭

若造物者始判清濁効竒於茲地非人力也

乃立游亭以宅厥中直亭之西石若掖分可以眺望其

上青壁斗絕沉于淵源若究其極自下而望則合乎攢

巒與山無窮明日州邑耄老雜然而至曰吾儕生是州

藝是野眉尤齒齟

音倪

未嘗知此豈天墜地出設茲神物

以彰我公之德歟既賀而請名公曰是石之數不可知

也以其多而命之曰萬石亭耄老又言曰懿夫公之名

亭也豈專狀物而已哉公嘗六為二千石既盈其數然

而有道之士咸恨公之嘉績未洽于人敢頌休聲祝于

明神漢之三公秩號萬石

西漢表顏師古曰漢制三公號稱萬石其俸月各三百五

十斛

我公之德宜受茲錫漢有禮臣惟萬石君

萬石君石奮也

孝景時以奮為諸侯相奮長子建次甲次乙次慶皆以馴行孝謹官至二千石於是景帝曰石君及四子皆二

千石人臣尊寵廻舉集
其門乃號奮為萬石君
我公之化始于閨門道合于古

祐之自天野夫獻辭公壽萬年宗元嘗以牋奏諫尚書
敢專筆削以附零陵故事時元和十年正月五日記

零陵三亭記

零陵湘源皆永州縣也薛存義自湘源來令零陵凡二年公集有送薛存

義之任序云假令零陵二年矣然月日不可考要皆在永州時作

邑之有觀游或者以為非政是大不然夫氣煩則慮亂
視壅則志滯君子必有游息之物高明之具使之清寧
平夷恒若有餘然後理達而事成零陵縣東有山麓泉

出石中沮洳汚塗

沮將豫切洳音茹陷濕地也詩彼汾沮洳

羣畜食焉牆藩

以蔽之為縣者積數十人莫知發視河東薛存義以吏

能聞荆楚間潭部舉之假湘源令會零陵政尤賦擾民

訟于牧推能濟弊來蒞茲邑遁逃復還愁痛笑歌逋租

匿役暮年辯理宿蠹藏奸披露首服

首音狩

民既卒稅相

與歡歸道塗迎賀里閭門不施胥吏之席耳不聞鼙鼓

之召

鼙音鼻土鼓也

雞豚糗醕

上兵救切下司呂切

得及宗族州牧尚焉

傍邑倣焉然而未嘗以劇自撓山水鳥魚之樂澹然自

若也

澹音淡

乃發塙藩驅羣畜決䟽沮如搜剔山麓萬石

如林積坳為池

坳居交切

爰有嘉木美卉垂水藂峯瓏璫蕭

條

瓏音籠璫音零

清風自生翠烟自留不植而遂魚樂廣閒鳥

慕靜深別孕巢穴沉浮嘯萃不畜而富伐木墜江流于

邑門陶土以埴亦在署側人無勞力工得以利乃作三

亭陟降晦明高者冠山巔下者俯清池更衣膳饗

於恭切熟

食也

列置備具賓以燕好旅以館舍高明遊息之道具於

是邑由薛為首在昔裨諲謀野而獲

裨諲鄭大夫也謀於野則獲於國則

否鄭國將有諸侯之事則必使乘
車以適野謀作盟會之辭謚音忱
宓子彈琴而理宓子

單父宰鳴琴不下堂而單父治
巫馬期為單父戴星而
入以身親之單父亦治子賤曰
彼任力我任人任力者

勞任人者
逸宓音伏亂慮滯志無所容入則夫
觀游者果為政之

具歟薛之志其果出於是歟及其
弊也則以玩替政以

荒去理使繼是者咸有薛之志則
邑民之福其可旣乎

余愛其始而欲久其道乃撰其事
以書于石薛拜首曰

吾志也遂刻之

柳河東集卷二十七

欽定四庫全書

柳河東集卷二十八

唐 柳宗元 撰

記九首

零陵郡復乳穴記

題曰零陵字之誤也據地理志零陵乃永州郡名今言石鍾乳

連之人告盡者五年而題以零陵何也唐地理志載連州連山郡土貢鍾乳本草唐注亦載其次出連州未嘗言永州出以年考之元和四年永州刺史崔簡連州刺史乃崔君敏二太守之姓同故題亦從而差耳題以連山郡復乳穴記則於文為合

石鍾乳餌之最良者也楚越之山多產焉于連于韶者
獨名於世連之人告盡焉者五載矣以貢則買諸他部
今刺史崔公至逾月穴人來以乳復告邦人悅是祥也
雜然謠曰昨之熙熙崔公之來公化所徹土石蒙烈以
為不信起視乳穴穴人笑之曰是惡知所謂祥耶嚮吾
以刺史之貪戾嗜利徒吾役而不吾貨也吾是以病而
紿焉紿徒亥切欺也今吾刺史令明而志潔先賴而後力欺誣
屏息信順休洽吾是以誠告焉且夫乳穴必在深山窮

林冰雪之所儲豺虎之所廬由而入者觸昏霧扞龍蛇
束火以知其物縻繩以志其返其勤若是出又不得吾
直吾用是安得不以盡告今而誠吾告故也何祥之為
士聞之曰謠者之祥也乃其所謂怪者也笑者之非祥
也乃其所謂真祥者也君子之祥也以政不以怪誠乎
物而信乎道人樂用命熙熙然以効其有斯其為政也
而獨非祥也歟

道州毀鼻亭神記

孟子曰象至不仁封之有庠有
庠之人奚罪焉又曰象不得有

為於其國天子使吏治其國而納其貢稅焉此
序所謂君有鼻而天子之吏實理之意也庠音
鼻史記作鼻河東薛公伯高也然集道州文宣
王廟記伯高始以十年二月用牲幣于廟而此
云九年來刺道州又云既底于理似非初至之
事公以明年正月召其曰某時謫永州記必將
召時
作

鼻亭神象祠也不知何自始立因而勿除完而恒新相
傳且千歲元和九年河東薛公由刑部郎中刺道州除
穢革邪敷和於下州之罷人

罷音疲

去亂即位變呻為謠

若痿而起

痿於危切

若矇而瞭

矇音蒙瞭力小切

騰踴相視

踴音勇

謹

謹

愛克順既底于理公乃考民風披地圖得是祠駭曰象
之道以為子則傲以為弟則賊君有鼻而天子之吏實
理以惡德而專世祠殆非化吾人之意哉命亟去之於
是撤其屋墟其地沉其主於江公又懼楚俗之尚鬼而
難諭也乃徧告于人曰吾聞鬼神不歆非類又曰淫祀
無福凡天子命刺史于下非以專土疆督貨賄而已也
蓋將教孝悌教一作崇去奇邪奇居宜切俾斯人敦忠睦友悌祇
肅信讓以順於道吾之斥是祠以明教也苟離于正雖

千載之違吾得而更之況今茲乎苟有不善雖異代之

鬼吾得而攘之況斯人乎州民既諭相與歌曰我有耆

老公煥其肌

煥於六切

我有病癰

音隆

公起其羸髡童之鬣

音髡

若

公實智之鰥孤孔艱公實遂之孰尊惡德遠矣自古

孰羨淫昏

羨一作恣

俾我斯瞽千歲之冥公闢其戶我子洎

孫延世有慕宗元時謫永州邇公之邦聞其歌詩以為

古道罕用賴公而存斥一祠而二教興焉明罰行乎鬼

神

一無明字

愷悌達于蠻夷

一無悌字

不唯禁淫祀黜非類而已

願為記以刻山石俾知教之首

永州龍興寺息壤記

史記天官書載水澹澤竭地長西漢天文志所載亦同寔

不原其說甘茂傳秦王遷甘茂於息壤索隱曰山海經啓筮云竊竊帝之息壤以湮洪水或是此也此記息壤之說皆取此以為疑公時在永州作

永州龍興寺東北陬有堂堂之地隆然負塼甃而起者

甃蒲歷切

廣四步高一尺五寸始之為堂也夷之而又高凡

持鋪者盡死

鍾測洽切

永州居楚越間其人鬼且機

音幾祥也

由

是寺之人皆神之人莫敢夷史記天官書及漢志有地

長之占而亡其說甘茂盟息壤蓋其地有是類也昔之
異書有記洪水滔天鯀竊帝之息壤以湮洪水帝乃令
祝融殺鯀于羽郊其言不經見今是土者夷之者不幸
而死豈帝之所愛耶南方多疫勞者先死則彼持鍾者
其死於勞且疫也土烏能神余恐學者之至於斯徵是
言而唯異書之信故記于堂上

永州龍興寺東丘記

公謫永州凡十年凡為記序
其年月有不考而得者此其

也一

游之適大率有二曠如也奧如也如斯而已其地之凌

阻峭出幽鬱寥廓悠長則於曠宜抵丘垤伏灌莽迫遽

迴合則於奧宜因其曠雖增以崇臺延閣迴環日星臨

瞰風雨

瞰苦濫切

不可病其敞也因其奧雖增以茂樹藂石

藂與叢同

穹若洞谷翳若林麓

翳烏孔切

不可病其邃也今所謂

東丘者奧之宜者也其始龕之外棄地余得而名焉

龕音

堪以屬於堂之北垂凡坳窪坻岸之狀

坳於交切窪烏瓜切說文清水

也坻直尼切說文小渚

無廢其故屏以密竹聯以曲梁桂檜松杉

梗枿之植

梗毗連切木似豫章

幾三百本嘉卉美石又經緯之俛

入綠縹幽蔭薈蔚

薈音檜

步武錯迕

阮古切過也

不知所出溫

風不爍

式灼切

清氣自至水亭陋室

陋胡夾切隘也

曲有奧趣然

而至焉者往往以邃為病噫龍興永之佳寺也登高殿

可以望南極闢大門可以瞰湘流若是其曠也而於是

小丘又將披而攘之則吾所謂游有二者無乃闕焉而

喪其地之宜乎丘之幽幽可以處休丘之窅窅可以觀

妙

窅伊切

溽暑遁去茲丘之下大和不遷茲丘之巔奧乎

茲丘孰從我游余無召公之德懼剪伐之及也故書以
祈後之君子

永州法華寺新作西亭記

集中始得西山宴遊記
云因坐法華西亭時元

和四年九月則此
亭記又當作於前

法華寺居永州地最高有僧曰覺照照居寺西廡下廡

之外有大竹數萬又其外山形下絕然而薪蒸篠簜

篠音篠

小簞音蕩蒙雜擁蔽吾意伐而除之必將有見焉照謂余曰

是其上有陂池芙蕖申以湘水之流衆山之會果去是

其見遠矣遂命僕人持刀斧羣而翦焉叢莽下頽萬類
皆出曠焉茫焉天為之益高地為之加闢丘陵山谷之
峻江湖池澤之大咸若有增廣之者夫其地之奇必以
遺乎後不可曠也余時謫為州司馬官外乎常員而心
得無事

一無
乎字

乃取官之祿秩以為其亭其高且廣蓋方

丈者二焉或異照之居於斯而不蚤為是也余謂昔之
上人者不起宴坐足以觀於空色之實而游乎物之終
始其照也逾寂其覺也逾有然則嚮之礙之者為果礙

耶今之闢之者為果闢耶彼所謂覺而照者吾詎知其不由是道也豈若吾族之挈挈於通塞一有乎字有無之方以自狹耶或曰然則宜書之乃書于石

永州龍興寺西軒記

據記云余名在黨人云云記當作於到永之初元和改元

時也

永貞年余名在黨人不容於尚書省出為邵州道貶永州司馬至則無以為居居龍興寺西序之下余知釋氏之道且久固所願也然余所庇之屋甚隱蔽其戶向居

昧昧也寺之居於是州為高西序之西屬當大江之流
江之外山谷林麓甚衆於是鑿西墉以為戶戶之外為
軒以臨羣木之杪無所不矚焉不徙席不運几而得大
觀夫室嚮者之室也席與几嚮者之處也嚮也昧而今
也顯豈異物耶因悟夫佛之道可以轉惑見為真智即
羣迷為正覺捨大闇為光明夫性豈異物耶孰能為余
鑿大昏之牖闢靈照之戶廣應物之軒者吾將與為徒
遂書為二其一志諸戶外其一以貽異上人焉

柳州復大雲寺記

據記云元和十年刺史柳宗元始至後二年十月某日寺皆就

記當作於元

和十二年云

越人信祥而易殺傲化而面仁

面彌充切

病且憂則聚巫師

用雞卜始則殺小牲不可則殺中牲又不可則殺大牲而又不司則訣親戚飭死事曰神不直我矣因不食蔽面死以故戶易耗田易荒而畜字不孳董之禮則頑束之刑則逃唯浮圖事神而語大可因而入焉有以佐教化柳州始以邦命置四寺其三在水北而大雲寺在水

南水北環治城六百室水南三百室俄而水南火大雲
寺焚而不復且百年三百室之人失其所依歸復立神
而殺焉元和十年刺史柳宗元始至逐神于隱遠而取
其地其傍有小僧舍闢之廣大達達橫術

音遂月令曰
審端徑術

北屬之江告于大府取寺之故名作大門以字揭之立
東西序崇佛廟為學者居會其徒而委之食使擊磬鼓
鍾以嚴其道而傳其言而人始復去鬼息殺而務趣於
仁愛病且憂其有告焉而順之庶乎教夷之宜也凡立

屋屋大小若干楹凡闢地南北東西若干畝凡樹木若干本竹三萬竿圃百畦田若干塍

食稜切
塍畦也

治事僧曰退

思曰令寰曰道堅後二年十月某日寺皆復就

永州龍興寺修淨土院記

序云今刺史馮公作大門以表其位馮公刺永

州在元和二三年
記當在是時作

中州之西數百里有國曰身毒釋迦牟尼如來示現之地彼佛言曰西方過十萬億佛土有世界曰極樂佛號無量壽如來其國無有三惡八難

乃旦切

衆寶以為飾其

人無有十纏九惱羣聖以為友有能誠心大願歸心是
土者苟念力具足則往生彼國然後出三界之外其於
佛道無退轉者其言無所欺也晉時廬山遠法師作念

佛三昧詠大勸于時其後天台顓大師

顓語
豈切

著釋淨土

十疑論弘宣其教周密微妙迷者咸賴焉蓋其留異跡
而去者甚衆永州龍興寺刺史李承旌

音質大
也明也

曾及僧

法林置淨土堂于寺之東偏常奉斯事逮今餘二十年
廉隅毀頓圖像崩墜會巽上人居其宇下始復理焉上

人者修最上乘解第一義無體空折色之跡而造乎真
源通假有借無之名而入於實相境與智合事與理并
故雖往生之因亦相用不捨誓葺茲宇以開後學有信
士圖為佛像法相甚具焉今刺史馮公作大門以表其
位余遂周延四阿環以廊廡續二大士之像續胡對切繒蓋
幢幡以成就之繒疾陵切嗚呼有能求無生之生者知舟筏
之存乎是筏音伐遂以天台十疑論書于牆宇使觀者起
信焉

永州鐵爐步志

吳人呼水際曰步韓昌黎羅池廟碑云步有新船即此旨也志云余

乘舟來居九年此當作於元和八年云

江之游凡舟可縻而上下者曰步永州北郭有步曰鐵爐步余乘舟來居九年往來求其所以為鐵爐者無有問之人曰蓋嘗有鍛者居其人去而爐毀者不知年矣獨有其號冒而存者曰嘻世固有事去名存而冒焉若是耶步之人曰子獨何怪是今世有負其姓而立於天下者曰吾門大他不我敵也問其位與德曰久矣其先

也然而彼猶曰我大世亦曰某氏大其冒於號有以異

於茲步者乎向使有聞茲步之號而不足釜錡錢鏹刀

鈇者

錡魚倚切左氏筐筥錡釜之器注有足曰錡無足曰釜錢音翦鏹音博詩臣庠乃錢鏹周禮鍛氏為

鐔器注錢鏹田器刀鈇亦兵器也鈇音庸

懷價而來能有得其欲乎則求位

與德於彼其不可得亦猶是也位存焉而德無有猶不

足大其門然世且樂為之下子胡不怪彼而獨怪於是

大者桀冒禹紂冒湯幽厲冒文武以傲天下天下由不

知推其本而姑大其故號以至於敗為世笑僂

音戮

斯可

以甚懼若求茲步之實而不得釜錡錢鏹刀鉞者則去而之他又何害乎子之驚於是末矣余以為古有太史觀民風采民言

禮記王制命太史陳詩以觀民風又漢分八使周適四方巡行風俗觀采方言

若是者則有得矣嘉其言可采書以為志

柳河東集卷二十八

欽定四庫全書

柳河東集卷二十九

唐 柳宗元 撰

記山水十一首

游黃溪記

作之年月具於記漢書王莽傳自謂黃
虞之後姚媯陳田王氏凡五姓者皆黃

虞苗裔其令天下尚此五姓名籍於秩宗
以為宗室記所言黃神王姓蓋取諸此

北之晉西適幽東極吳南至楚越之交其間名山水而
州者以百數永最善環永之治百里北至於浯溪

浯音吾
水名

西至於湘之源南至於瀧泉

瀧間江切水名

東至於黃溪東屯

其間名山水而村者以百數黃溪最善黃溪距州治七

十里由東屯南行六百步至黃神祠祠之上

或無神祠

兩山

牆立如丹碧之華葉駢植與山升降其缺者為崖峭巖

窟水之中皆小石平布黃神之上揭水八十步

揭音憩一丘列

切論語深則厲淺則揭注以衣涉水為厲揭揭衣也

至初潭最奇麗殆不可狀其

略若剖大甕側立千尺溪水積焉

積一作即

黛蓄膏渟來若

白虹沉沉無聲有魚數百尾方來會石下

楚越之人數魚以尾不以

頭南去又行百步至第二潭石皆巍然臨浚流若頽頽

斷齧

頽胡來切頽下也頽戶感切莊子千金之珠必在九重之淵而驪龍頽下斷魚斤切齒根肉齧三各

切

其下大石雜列可坐飲食有鳥赤首鳥翼大如鵠方

東向立自是南數里地皆一狀樹益壯石益瘦水鳴皆

鏘然

鏘七羊切

又南一里至大冥之川山舒水緩有土田始

黃神為人時居其地傳者曰黃神王姓莽之世也莽既
死神更號黃氏逃來擇其深峭者潛焉始莽嘗曰余黃
虞之後也故號其女曰黃皇室主黃與王聲相近而又

有本其所以傳言者益驗神既居是民咸安焉以為有道死乃俎豆之為立祠後稍徙近乎民今祠在山陰溪水
水上元和八年五月十六日既歸為記以啓後之好游者

始得西山宴游記

自游黃溪至小石城山為記凡九皆永州山水之勝年月或記

或不記然皆次第而作此作於元和四年記所載也

自余為僇人

僇音戮

居是州恒惴慄其隙也則施施而行

漫漫而游日與其徒上高山入深林窮迴溪幽泉怪石

無遠不到到則披草而坐傾壺而醉醉則更相枕以卧
卧而夢意有所極夢亦同趣覺而起起而歸以為凡是
州之山水有異態者皆我有也而未始知西山之怪特
今年九月二十八日因坐法華西亭望西山始抵異之

抵一作指

遂命僕人過湘江緣染溪

染一作冉

斫榛莽焚茅茷窮

山之高而止攀援而登箕踞而遨則凡數州之土壤皆

在衽席之下其高下之勢呀然洼然

呀火加切嶮呀山深之貌洼烏瓜切

水也

若垤若穴尺寸千里攢蹙累積莫得遯隱縈青繚

白外與天際四望如一然後知山之特出不與培塿為

類

培塿同切又薄口切方言冢或謂之培塿力狗切自關而東小冢謂之塿

悠悠乎與顥氣

俱

顥音浩

而莫得其涯洋洋乎與造物者游而不知其所

窮引觴滿酌頽然就醉不知日之入蒼然暮色自遠而至至無所見而猶不欲歸心凝形釋與萬化冥合然後知吾嚮之未始游游於是乎始故為之文以志是歲元和四年也

鈞潭記

據潭西小丘記云得西山後八日又得鈞潭則此記在前記後作亦元和四

年文云下二
記當繼此也

鈞錮潭在山西

鈞音古錮字諸韻皆無從母字唐韻作銑下注云鈞銑也錮疑是銑莫浦

切又莫朗切并注云鈞銑也鈞銑乃鼎具

其始蓋冉水自南奔注抵小石屈

折東流其顛委勢峻盪擊益暴齧其涯故旁廣而中深

畢至石乃止流沫成輪

沫莫貝切水名

然後徐行其清而平者

且十畝餘有樹環焉有泉懸焉其下有居者以予之亟

游也一旦歛門來告曰不勝官租私券之委積既芟山

而更居願以潭上田貿財以緩禍

貿音茂

予樂而如其言

則崇其臺延其檻行其泉於高者而墜之潭有聲淅然
淅在公切尤與中秋觀月為宜於以見天之高氣之迴

水會也

孰使予樂居夷而忘故土者非茲潭也歟

鈇鋤潭西小丘記

得西山後八日尋山口西北道二百步又得鈇鋤潭西
二十五步當湍而浚者為魚梁梁之上有丘焉生竹樹
其石之突怒偃蹇負土而出爭為竒狀者殆不可數其
欽然相累而下者

欽音

若牛馬之飲於溪其衝然角列

而上者若熊羆之登於山丘之小不能一畝可以籠而
有之問其主曰唐氏之棄地貨而不售問其價曰止四
百余憐而售之李深源元克已時同游皆大喜出自意
外即更取器用剗刈穢草剗音產伐去惡木烈火而焚之
嘉木立美竹露竒石顯由其中以望則山之高雲之浮
溪之流鳥獸之遨遊舉熙熙然迴巧獻技以効茲丘之
下枕席而卧則清冷之狀與目謀澹澹之聲與耳謀澹音
營水悠然而虛者與神謀淵然而靜者與心謀不匝旬

而得異地者二雖古好事之士或未能至焉噫以茲丘

之勝致之澧鎬鄠杜

澧音豐鎬下老切鄠音戶

則貴游之士

一無之士爭

買者日增千金而愈不可得今棄是州也農夫漁父過而陋之賈四百連歲不能售而我與深源克已獨喜得之是其果有遭乎書於石所以賀茲丘之遭也

至小丘西石潭記

從小丘西行百二十步隔篁竹聞水聲如鳴珮環心樂之伐竹取道下見小潭水尤清冽金石以為底近岸卷

石底以出為坻為嶼為嵒為巖

嵒五男苦男
五感三切

青樹翠蔓

蒙絡搖綴參差披拂潭中魚可百許頭皆若空游無所

依

一云披拂潭中俯
視游魚類若乘空

日光下澈

音徹

影布石上怡然不動

俶爾遠逝

俶昌
六切

往來翕忽似與遊者相樂潭西南而望

斗折蛇行明滅可見其岸勢犬牙差互不可知其源坐

潭上四面竹樹環合寂寥無人淒神寒骨悄愴幽邃以

其境過清不可久居乃記之而去同遊者吳武陵龔古

龔一作龔

余弟宗玄歟而從者崔氏二小生曰恕已曰奉壹

崔氏二小生
即簡之子也

袁家渴記

自袁家渴至石渠石澗小石城山四記皆同時作石渠記所謂惜其未始有傳

焉故累記其所屬遺之其人者也石渠記云元和七年十月十九日云云則四記可以類推矣

由冉溪西南水行十里山水之可取者五莫若鈇鉏潭
由溪口而西陸行可取者八九莫若西山由朝陽巖東
南水行至蕪江可取者三莫若袁家渴皆永中幽麗奇
處也楚越之間方言謂水之支流者為渴音若衣褐之褐
渴上與南館高嶂合下與百家瀨合

嶂音障
瀨音賴

其中重洲

小溪澄潭淺渚間厠曲折平者深黑峻者沸白舟行若

窮忽又無際有小山出水中山皆美石石上生青叢冬

夏常蔚然其旁多巖洞其下多白礫

音歷

其樹多楓枿石

楠榿櫛樟柚

余救切

草則蘭芷又有異卉類合歡而蔓生

繆轉水石

繆音膠轉音葛

每風自四山而下振動大水掩苒衆

草紛紅駭綠蓊勃香氣

蓊烏孔切勃音勃

衝濤旋瀨退貯溪谷

搖颺歲蕤與時推移其大都如此余無以窮其狀永之

人未嘗遊焉余得之不敢專也出而傳於世其地世主

袁氏故以名焉

石渠記

自渴西南行不能百步得石渠民橋其上有泉幽幽然其泉乍大乍細渠之廣或咫尺或倍尺其長可十許步其流抵大石伏出其上踰石而往有石泓昌蒲被之青鮮環周又折西行旁陷巖石下北墮小潭潭幅員減百尺清深多儵魚

儵徒堯切白儵魚也似雞赤尾六足四目又直流切

又北曲行紆

餘睨若無窮然卒入於渴其側皆詭石怪木奇卉美箭

可列坐而庥焉風搖其巔韻動崖谷視之既靜其聽始
遠予從州牧得之攬去翳朽決疏土石既崇而焚既醺
而盈醺山宜切惜其未始有傳焉者故累記其所屬遺之其
人書之其陽俾後好事者求之得以易元和七年正月
八日蠲渠至大石十月十九日踰石得石泓小潭渠之
美於是始窮也

石澗記

石渠之事既窮上由橋西北下土山之陰民又橋焉其

水之大倍石渠三之一石為底達於兩涯若牀若堂若
陳筵席若限閭與水平布其上流若織文響若捺琴揭
跣而往折竹箭掃陳葉排腐木可羅胡牀十八九居之
交絡之流觸激之音皆在牀下翠羽之木龍鱗之石均
蔭其上古之人其有樂乎此耶後之來者其能追余之
踐履耶得意之日一無意字與石渠同由渴而來者先石渠
後石澗由百家瀨而來者先石澗後石渠澗之可窮
者皆出石城村東南其間可樂者數焉其上深山幽林

逾峭險道狹不可窮也

小石城山記

自西山道口徑北踰黃茅嶺而下有二道其一西出尋之無所得其一少北而東不過四十丈土斷而川分有積石橫當其垠其上為睥睨梁欂之形

欂力計切
梁棟名

其旁

出堡塢有若門焉窺之正黑投以小石洞然有水聲其響之激越良久乃已環之可上望甚遠無土壤而生嘉樹美箭益竒而堅其疏數偃仰類智者所設施也噫吾

疑造物者之有無久矣及是愈以為誠有又怪其不為之於中州而列是夷狄更千百年不得一售其伎是固勞而無用神者倘不宜如是則其果無乎或曰以慰夫賢而辱於此者或曰其氣之靈不為偉人而獨為是物故楚之南少人而多石是二者余未信之

柳州東亭記

公以元和十年正月自永州召至京師是年三月復出刺柳州故記云元

和十二年十月某日記

出州南譙門左行二十六步有棄地在道南南值江西

際垂楊傳置東曰東館其內草木猥奧有崖谷傾亞缺

圯

部鄢切

豕得以為囿蛇得以為藪人莫能居至是始命

披荆蠲疏

荆扶弗切疏音疎

樹以竹箭松檉桂檜栢杉

檉丑成切

易

為堂亭

易以是切

峭為杠梁

杠音江說文林前橫木一云旌旗竿

下上徊翔前

出兩翼憑空拒江江化為湖衆山橫環嶠濶潏灣

嶠音聊亦

作崦潏伊盈切灣烏還切

當邑居之劇而忘乎人間斯亦奇矣乃取

館之北宇右闢之以為夕室取傳置之東宇左闢之以

為朝室又北闢之以為陰室作屋於北牖下以為陽室

作斯亭於中以為中室朝室以夕居之夕室以朝居之中室日中而居之陰室以違溫風焉陽室以違淒風焉若無寒暑也則朝夕復其號既成作石於中室書以告後之人庶勿壞元和十二年九月某日柳宗元記

柳州山水近治可遊者記

記不書其年月然當與前記先後作公刺柳凡

五年卒於元和十四年之十月云

古之州治在潯水南山石間今徙在水北直平四十里南北東西皆水涯

戶對胡對二切

北有雙山夾道嶄然

嶄顛咸切高貌

曰背石山有支川東流入於潯水潯水因是北而東盡
大壁下其壁曰龍壁其下多秀石可硯南絕水有山無
麓廣百尋高五丈下上若一曰甌山

甌子
孕切

山之南皆大

山多奇又南且西曰駕鶴山壯聳環立古州治負焉有
泉在坎下恒盈而不流南有山正方而崇類屏者曰屏

山其西曰四姥山

姥莫
古切

皆獨立不倚北沉潯水瀨下又

西曰仙奕之山山之西可上其上有穴穴有屏有室有

宇其宇下有流石成形如肺肝如茹房

一作
茹房

或積於下

如人如禽如器物甚衆東西九十尺南北少半東登入
小穴常有四尺則廓然甚大無竅正黑燭之高僅見其
宇皆流石怪狀由屏南室中入小穴倍常而上始黑已
而大明為上室由上室而上有穴北出之乃臨大野飛
鳥皆視其背其始登者得石枰於上枰蒲明切博局黑肌而赤
脉十有八道可奕故以云其山多榿多櫛多簣簣之竹

簣音員簣音當竹名

多橐吾其鳥多秭歸

秭音咨李切

石魚之山全石無

大草木山小而高其形如立魚在多秭歸西有穴類仙

人奕入其穴東出其西北靈泉在東趾下有麓環之泉
大類穀雷鳴西奔二十尺有洄在石澗因伏無所見多
綠青之魚多石鯽多儵雷山兩崖皆東西雷水出焉蓄
崖中曰雷塘能出雲氣作雷雨變見有光禱用俎魚豆
羶脩形糈糈糈音所又音胥糈諸韻皆從禾徒土切沛國呼稻為糈陰酒虔則應
公嘗有雷塘禱雨文有云維神之居為坎為雷又云欽
茲有靈爰以廟享是必有神以司其風雷而禱無不應
矣
在立魚南其間多美山無名而深峨山在野中無麓
峨水出焉東流入於潯水

柳河東集卷二十九

欽定四庫全書

柳河東集卷三十

唐 柳宗元 撰

書明責躬六首

寄許京兆孟容書

許孟容字公範元和初再遷尚書右丞京兆尹公謫永州已五

年與京兆書望其與之為地一除罪籍時當在元和四年云

五丈座前伏蒙賜書誨諭微恙重厚欣躍恍惚疑若蒙寐捧書叩頭悸不自定伏念得罪來五年未嘗有故舊

大臣肯以書見及者何則罪謗交積羣疑當道誠可怪

而畏也以是兀兀忘行尤負重憂殘骸餘魂百病所集

痞結伏積

痞部都切
腹中結痛

不食自飽或時寒熱水火互至內

消肌骨非獨瘴厲為也

瘴音障

忽捧教命乃知幸為大君

子所宥欲使膏肓沉沒復起為人

膏音荒

夫何素望敢以

及此宗元早歲與負罪者親善始奇其能謂可以共立

仁義裨教化過不自料慙慙勉勵唯以中正信義為志

以興堯舜孔子之道利安元元為務不知愚陋不可力

彊其素意如此也末路孤危阮塞艱艱

一作末路阮塞艱艱五結切

艱音凡不安也

凡事壅隔

一作事既壅隔

很忤貴近狂踈繆戾蹈不測

之辜羣言沸騰鬼神交怒加以素卑賤暴起領事人所

不信射利求進者填門排戶百不一得一旦快意更造

怨讟

音讀

以此大罪之外詎訶萬端

詎音詆

旁午搆扇盡為

敵讎

一作便為敵讎

協心同攻外連強暴失職者以致其事此

皆丈人所聞見不敢為他人道說懷不能已復載簡牘

此人雖萬被誅戮不足塞責而豈有賞哉今其黨與幸

獲寬貸各得善地無分毫事

一作無公事

坐食俸祿明德至

渥也尚何敢更思除弃廢痼

一無更字

以希望外之澤哉年

少氣銳不識幾微不知當否但欲一心直遂果陷刑法

皆自所求取得之

一無得之二字

又何怪也宗元於衆黨人中

罪狀最甚神理降罰又不能即死

元和元年五月十七日公母盧氏卒

猶

對人言語求食自活迷不知恥日復一日然亦有大故

自以得姓來二千五百年代為冢嗣今抱非常之罪居

夷僚之鄉

獠夷名音僚

卑濕昏霧恐一日填委溝壑曠墜先

緒以是怛然痛恨

怛當各切

心腸

一作骨

沸熱甄甄孤立未有

子息荒陬中

一作荒隅中

少士人女子無與為婚世亦不肯

與罪大者親昵

一作罪人親昵

以是嗣續之重不絕如縷每當

春秋時饗子立捧奠顧眄無後繼者惇惇然

一作惇惇然或作慄慄

慄然歎歎惴惴恐此事便已推心傷骨若受鋒刃此誠丈

人所共憫惜也先墓所在城南

一無所字

無異子弟為主獨

託村鄰自譴逐來消息存亡不一至鄉閭主守者固以

益怠晝夜哀憤懼便毀傷松柏芻牧不禁以成大戾近

世禮重拜掃今已闕者四年矣每遇寒食則北向長號以首頓地想田野道路士女遍滿皂隸傭丐皆得上父

母丘墓馬醫夏畦之鬼

列子云路遇乞兒馬醫弗敢辱也必下車而揖之孟子脅肩諂

笑病於夏畦夏畦夏月治畦之人畦音攜

無不受子孫追養者然此已息望

又何以云哉城西有數頃田樹果數百株多先人手自

封植今已荒穢恐便斬伐無復愛惜家有賜書三千卷

尚在善和里舊宅宅今已三易主書存亡不可知皆付

受所重常繫心腑然無可為者立身一敗萬事瓦裂身

殘家破為世大僂

音戔

復何敢更望大君子撫慰收恤尚

置人數中耶是以當食不知辛鹹節適洗沐盥漱

盥音管又

古玩切

動逾歲時一搔皮膚塵垢滿爪誠憂恐悲傷無所告

愬以至此也自古賢人才士秉志遵分被謗議

晏本作被謗無

議字

不能自明者僅以百數故有無兄盜嫂

漢書人或毀直不疑曰不

疑狀貌甚美然將母奈其善盜嫂何

娶孤女云搗婦翁

者

後漢第五倫建武二十九年從懷陽王朝京師帝戲謂倫曰聞卿為吏蒨婦翁寧有之耶倫曰臣三娶妻

皆無父過陟瓜切

然賴當世豪傑分明辯別卒光史籍

一作冊管

仲遇盜升為功臣

禮記管敬子遇盜取二人馬上以為公臣曰其所避僻也可人也敬子管

仲之

臣章被不孝之名孟子禮之

孟子公都子曰臣章通國皆稱不孝焉夫

子與之遊又從而禮貌之敢問何也孟子曰今已無古世俗所謂不孝者五云云章子有一於是乎

人之實

一有為字

而有其詬欲望世人之明已不可得也直

不疑買金以償同舍

漢書直不疑為郎事文帝其同舍有告歸誤持其同舍郎金去已而

同舍郎覺亡意不疑不疑謝有之買金償後告歸者至而歸金亡金郎大慙

劉寬下車歸牛

鄉人

東漢劉寬字文饒嘗行有人失牛者乃就寬車中認之寬無所言下駕步歸有頃認牛者愧而送還

此真知疑似之不可辯非口舌所能勝也鄭詹束縛於

晉終以無死

國語文公伐鄭欲得詹而師還鄭人以詹與晉晉人將烹之詹据鼎耳而疾號公乃

命弗殺厚為禮而歸之

鍾儀南音卒獲反國

成九年左氏晉侯觀於軍府見鍾儀與之

琴操南音晉侯乃重為之禮使歸求成南音楚聲

叔向囚虜自期必免

襄二十一年左

氏樂盈出奔楚范文子因叔向樂王鮒見叔向曰吾范為子請叔向弗應其人皆咎叔向叔向曰必祁大夫

痊騎危

痊才戈切騎音奇

以生易死

史記魏世家趙使人謂魏王為我殺范座吾獻地王

使捕之座因上屋騎危謂使者曰與其以死座市不蒯如以生座市有如痊死趙不與王地則奈何王出之蒯

通據鼎耳

蒯苦怪切

為齊上客

高帝誅韓信信曰悔不用蒯通之言帝召通欲烹之通曰

犬各吠非其主云云上乃舍之據鼎耳言將烹也至齊悼惠王時曹參為相請通為客

張蒼韓信

伏斧鑕

也音質鎬鐵鎬

終取將相

西漢張蒼從沛公攻南陽當斬解衣伏質王陵乃言沛公

赦勿斬後至孝文時為相韓信亡楚歸漢為連敖坐法當斬適見滕公公奇其言釋勿斬其後拜大將鄒

陽獄中以書自活

西漢鄒陽從梁孝王遊羊勝公孫詭等疾陽惡之孝王怒下陽吏將殺之

陽從獄中上書奏王出之賈生斥逐復召宣室

西漢賈誼洛陽人絳灌之屬害之出為長

沙王傳咸餘大帝思誼徵之入見宣室

倪寬擯死後至御史大夫

西漢倪寬補廷

尉文學卒史以儒生不習事不署曹除為從使之北地視畜其後以議封禪事拜御史

董仲舒劉

向下獄當誅為漢儒宗

西漢董仲舒廣川人先是遼東高廟長陵高園殿災仲舒居家

推說其意未上主父偃竊其書奏焉於是下仲舒吏當死詔赦之劉向字子政事宣帝為誅大夫獻言黃金可

成上令典尚方鑄作事後不驗下吏當死上奇其才得踰冬以減死論

此皆瓌偉博辯奇

壯之士能自解脫今以惟怯洩忍

說文惟怯也洩忍垢濁也楚詞切典忍之

流俗恒音匡洩忍音典忍

下才末技又嬰恐懼痼病

一作恐懼痼病

雖欲慷

慨攘臂自同昔人愈踈濶矣賢者不得志於今必取貴

於後古之著書者皆是也宗元近欲務此然力薄才劣

一作力薄志劣

無異能解雖欲秉筆覲縷

覲縷說文好視也一曰委曲上力禾切下

音呂覲當從

神志荒耗前後遺忘

無放切

終不能成章往

時讀書自以不至抵滯今皆頑然無復省錄每讀古人

一傳數紙以後則再三伸卷復觀姓氏旋又廢失假令
萬一除刑部囚籍復為士列亦不堪當世用矣伏惟興
哀於無用之地垂德於不報之所但以存通家宗祀為
念有可動心者操之勿失雖不敢望歸掃塋域退託先
人之廬以盡餘齒姑遂少北益輕瘴癘就婚娶求後嗣
有可付託即冥然長辭如得甘寢無復恨矣書辭繁委
無以自道然即文以求其志君子固得其肺肝焉無任
懇懇

一作懇懇

之至不宣宗元再拜

與楊京兆憑書

楊憑傳拜京兆尹與李夷簡素有隙因劾憑江西姦賊憲宗以憑治

京兆有績但貶臨賀尉時元和四年也誨之即憑之子公嘗遺誨之書云今日有北人來示將籍田勅是舉數十年之隆典必有大恩澤丈人之寬聞於朝今是舉也必復大任此書亦云丈人旦夕歸朝廷復為大僚考憲宗紀元和五年詔以來歲正月籍田則此書當在五年冬作

月日宗元再拜獻書丈人座前役人胡要返命奉教誨

壯厲感發

壯一作庄

鋪陳廣大上言推延賢雋之道

雋音俊

難

於今之世次及文章末以愚蒙剥喪頓悴無以守宗族

復田畝為念憂憫備極不唯其親密故舊是與復有一作

是乃為若

公言顯賞許

一作取

其素尚而激其忠

一作中

誠者用

是踊躍敬懼類嚮時所被簡牘萬萬有加焉故敢悉其
愚以獻左右大凡薦舉之道古人之所謂難者其難非
苟一而已也知之難言之難聽信之難夫人有有之而
恥言之者有有之而樂言之者有無之而工言之者有
無之而不言似有之者有之而恥言之者上也雖舜猶
難於知之孔子亦曰失之子羽家語子羽有君子之容而行不勝其貌孔子曰
以容取人則失之子羽下斯而言知而不失者妄矣有
子羽姓澹臺名滅明

之而言之者次也德如漢光武馮衍不用

馮衍字敬通京兆杜陵人

世祖即位論功當封且將召見之為令狐畧等讒之竟不獲用

才如王景畧以尹緯為

令史

晉史載記尹緯字景亮天水人先為秦吏部令史及姚萇奔馬牧緯與尹詳龐演扇動羣豪推萇為

盟主遂為佐命元功萇既敗苻堅遣緯說堅求禪代之事堅問緯曰卿於朕何官緯曰尚書令史堅歎曰卿宰相才也王景畧之倚而朕不知卿亡也不亦宜乎景畧王猛之字云

是皆終日號鳴大咤

而卒莫之省無之而工言者賊也趙括得以代廉頗

史記

趙奢傳趙孝成王七年秦與趙相拒長平趙使廉頗將攻秦秦數敗趙軍趙王乃以括為將代廉頗藺相如及括之母諫趙王以括徒能讀父書而父子異心王不聽遂將其後果敗

馬謖得以惑孔明

蜀志馬謖字幼常才器過人好論軍計諸葛亮深加器異先主臨薨謂亮曰馬謖言過其實不可大用君其察之亮猶謂不然以謖為參軍建興六年又令統大衆與張郃戰於街亭為郃所破謖音縮起也今之若

此類者不乏於世將相大臣聞其言而必能辨之者亦

妄矣無之而不言者土木類也周仁以重臣為二千石

西漢周仁其先任城人武帝立為先帝臣重之仁乃病免以二千石祿歸老許靖以人譽而

致位三公蜀志許靖字文休少與從弟劭俱知名建安十九年先主為漢中王以靖為太傅近

世尤好此類以為長者最得薦寵夫言朴愚無害者其

於田野鄉閭為匹夫雖稱為長者可也自挹關擊柝以

往則必敬其事愈上則及物者愈大何事無用之朴哉
今之言曰某子長者可以為大官類非古之所謂長者
也則必土木而已矣夫捧土揭木而致之巖廊之上蒙
以紱冕翼以徒隸而一無而字趨走其左右豈有補於萬民
之勞苦哉聖人之道不益於世用凡以此也故曰知之
難孔子曰仁者其言也詎孟子病未同而言然則彼未
吾信而吾告之以士必有三間是將曰彼知士歟知文
歟疑之而未重一間也又曰彼無乃私好歟交以利歟

二間也又曰彼不足我而其心我哉茲咈吾事三間也
畏是而不言故曰言之難言而有是患故曰聽信之難唯
明者為能得其所以薦得其所以言得其所以聽一不
至則不可冀矣然而君子不以言聽之難而不務取士
士理之本也苟有司之不吾信吾知之不捨其必有信
吾者矣苟知之難無有司而士可以顯則吾一旦操用
人之柄其必有施矣故公卿之大任莫若索士士不預
備而熟講之卒焉君有問焉宰相有咨焉有司有求焉

其無所以應之則大臣之道或闕故不可憚煩今之世
言士者先文章文章士之末也然立言存乎其中即末
而操其本可十七八未易忽也自古文士之多莫如今
今之後生為文希屈馬者可得數人希王褒劉向之徒
者又可得十人至陸機潘岳之比累累相望累倫追切若皆
為之不已則文章之大盛古未有也後代乃可知之今
之俗耳庸目無所取信傑然特異者乃見此耳丈人以
文律通流當世叔仲鼎列天下號為文章家今又生敬

之敬之希屈馬者之一也天下方理平今之文士咸能

先理理不一斷於古書老生直趨堯舜之道

之一作大孔氏

之志明而出之又古之所難有也然則文章未必為士

之末獨采取何如耳宗元自少學為文章中間幸聯得

甲乙科第至尚書郎專百官章奏然未能究知為文之

道自貶官來無事讀百家書上下馳騁乃少得知文章

利病去年吳武陵來美其齒少才氣壯健可以興西漢

之文章日與之言因為之出數十篇書庶幾鏗鏘陶冶

時時得見古人情狀然彼古人亦人耳夫何遠哉凡人
可以言古不可以言今桓譚亦云親見揚子雲容貌不
能動人安肯傳其書誠使博如莊周哀如屈原奧如孟
軻壯如李斯峻如馮遷富如相如明如賈誼專如揚雄
猶為今之人笑則世之高者至少矣由此觀之古之人
未始不薄於當世而榮於後世也若吳子之文非丈人
無以知之獨恐世人之高才者不肯久學無以盡訓詁
風雅之道以為一世甚盛若宗元者才力缺敗不能遠

騁高厲與諸生摩九霄撫四海夸耀於後之人矣何也凡
為文以神志為主自遭責逐繼以大故荒亂耗竭又常
積憂恐神志少矣所讀書隨又遺忘一二年來痞氣尤

甚加以衆疾動作不常眊眊然

眊音冒目少精

騷擾內生靈霧

填擁慘沮

靈音埋說文風雨土也詩終風且霾

雖有意窮文章而病奪其

志矣每聞人大言則蹶氣震怖撫心按膽不能自止又

一無又字

永州多火災五年之間四為天火所迫徒跣走出

壞墻穴牖僅免燔灼書籍散亂毀不知所往一遇火恐

累日茫洋不能出言又安能盡意於筆硯硤硤自苦

丘硤

八切與硤同說
文堅也石狀

以危傷敗之菟哉中心之悃幅鬱結具

載所獻許京兆丈人書不能重煩於陳列凡人之黜棄
皆望望思得効用而宗元獨以無有是念自以罪大不
可解才質無所入苟焉以叙憂慄為幸敢有他志伏以
先君稟考德秉直道高於天下仕再登朝至六品官宗
元無似亦嘗再登朝至六品矣何以堪此且柳氏號為
大族五六從以來無為朝士者豈愚蒙獨出數百人右

哉以是自忖官已過矣寵已厚矣夫知足與知止異宗
元知足矣若便止不受祿位亦所未能今復得好官猶
不辭讓何也以人望人尚足自進如其至至則故無憾
進取之志息矣身世孑然無可以為家雖甚崇寵之孰
與為榮獨恨不幸獲託姻好而早凋落寡居十餘年嘗
有一男子然無一日之命至今無以託嗣續恨痛常在
心目孟子稱不孝有三無後為大今之汲汲於世者唯
懼此而已矣天若不棄先君之德使有世祀或者猶望

延壽命以及大宥得歸鄉閭五家室則子道畢矣過是而猶競於寵利者天厭之天厭之丈人旦夕歸朝廷復為大僚伏惟以此為念流涕頓顙

寫素切

布之座右

一作下

不任感激之至宗元再拜

與裴頊書

裴頊字行此書皆具惟不詳其爵位公時謫在永其書曰河北之師當已平矣

虜聞吉語矣考其時蓋當吐突承璀誅鎮冀王承宗之時事在元和四年書必是年作鎮冀自李實臣本范陽內屬奚承宗之先亦契丹人故書云奚虜也

應叔十四兄足下比得書示勤勤不以僕罪過為大故

有動止相憫者僕望已矣世所共弃唯應叔輩一二公

獨未耳

一作獨未下耳

僕之罪在年少好事進而不能止儔輩

恨怒以先得官又不幸早嘗與遊者居權衡之地十薦

賢幸乃一售

音授賣也

不得者譁張排恨

譁音輶訓也周書無或譁張為幻

僕可出而辨之哉性又倨野不能推折以故名益惡勢

益險有喙有耳者相郵傳作醜語耳不知其卒云何中

心之愆尤若此而已既受禁錮而不能即死者以為久

當自明今亦已矣而嗔罵者尚不能已堅然相白者無

數人聖上日興太平之理不貢不王者悉已誅討而制
度大立長使僕輩為匪人耶其終無以見明而不得擊
壤鼓腹樂堯舜之道耶且天下熙熙而獨呻吟者四五
人何其優裕者博而局束者寡其為不一徵也何哉太
和蒸物燕谷不披其煦一鄒子尚能恥之今若應叔輩
知我豈下鄒子哉

劉向別錄鄒衍在燕燕有谷地寒不生五穀衍乃吹律而溫氣至堪植黍

今謂之黍谷

然而不恥者何也河北之師當已平奚虜聞吉

語矣然若僕者承大慶之後必有殊澤流言飛文之罪

或者其可以已乎幸致數百里之北使天下之人不謂僕為明時異物死不恨矣金川考績已久獨蔑然不遷者何耶十二兄宜當更轉右職十四兄嘗得一無二字數書無恙兄顧惟僕之窮途得無意乎此當大寒人愈平和惟楚南極海玄冥所不統炎昏多疾氣力益劣昧昧然人事百不記一捨憂慄則怠而睡耳偶書如此不宣宗元再拜

與蕭翰林俛書

據蕭俛本傳貞元中及進士第又以賢良方正對策異等拜右拾遺

元和六年召為翰林學士凡三年進知制誥公
在永州此書當是俛為翰林時作其末云倘因
賊平慶賞之際得以見白使受天澤益有望於
俛者如此是時吐突承璀討王承宗之叛至元
和五年七月敕王承宗正有
望於賊平慶宥可及罪謫耳

思謙兄足下昨祁縣王師範過永州為僕言得張左司
書道思謙蹇然有當官之心乃誠助太平者也僕聞之
喜甚然微王生之說僕豈不素知耶所喜者耳與心叶
果於不謬焉爾僕不幸向者進當艱艱不安之勢平居
閉門口舌無數況又有久與遊者乃岌岌而造其間哉

一作造其門

其求進而退者皆聚為仇怨造作粉飾蔓延益

肆非的然昭晰自斷於內則孰能了僕於冥冥之間哉

然僕當時年三十三甚少自御史裏行得禮部員外郎

超取顯美欲免世之求進者怪怒媚嫉媚音冒妬也其可得

乎凡人皆欲自達僕先得顯處才不能踰同列聲不能

壓當世世之怒僕宜也與罪人交十年官又以是進辱

在附會聖朝宏大貶黜甚薄不能塞衆人之怒謗語轉

侈囂囂嗷嗷漸成性民飾智求仕者更詈一作僕以悅言

警人之心日為新奇務相喜可自以速援引之路而僕輩坐益困辱萬罪橫生不知其端伏自思念過大恩甚乃以致此悲夫人生少得六七十者今已三十七矣長來覺日月益促歲歲更甚大都不過數十寒暑則無此身矣非是榮辱又何足道云云不已祇益為罪凡知之勿為他人言也居蠻夷中久慣習炎毒昏耗重腿重上聲腿他偽切釋足腫也意以為常忽遇北風晨起薄寒中體則肌革

瘰癧毛髮蕭條瞿然注視怵惕以為異候意緒殆非中

國人楚越間聲音特異鵠舌啁譟

鵠音決孟子南蠻鵠舌啁音卓

今聽

之怡然不怪已與為類矣家生小童皆自然曉曉

馨么切

晝夜滿耳聞北人言則啼呼走匿雖病夫亦怛然駭之

出門見適州閭市井者其十有八九杖而後興自料居

此尚復幾何豈可更不知止言說長短重為一世非笑

哉讀周易困卦至有言不信尚口乃窮也往復益喜曰

嗟乎余雖家置一喙以自稱道詬益甚耳用是更樂瘖

默

瘖音陰說文不能言

思與木石為徒不復致意今天子興教化

定邪正海內皆欣欣怡愉而僕與四五子者獨淪陷如此豈非命歟命乃天也非云云者所制余又何恨獨喜思謙之徒遭時言道道之行物得其利僕誠有罪然豈不在一物之數耶身被之目覩之足矣何必攘袂用力而矜自我出耶果矜之又非道也事誠如此然居理平之世終身為頑人之類猶有少恥未能盡忘倘因賊平慶賞之際得以見白使受天澤餘潤雖朽株敗腐株一作枿牙割切伐木餘也

不能生植猶足蒸出芝菌以為瑞物一釋廢

銅移數縣之地則世必曰罪稍解矣然後召收魂魄買土一廛為耕田朝夕誦謠使成文章庶木鐸者采取獻之法宮增聖唐大雅之什雖不得位亦不虛為太平之人矣此在望外然終欲為凡一言焉宗元再拜

與李翰林建書

建本傳貞元中補校書郎德宗思得文學者或以建聞帝問左右宰

相鄭珣瑜曰臣為吏部時當補校書者八人他皆藉貴勢以請建獨無有帝喜擢左拾遺翰林學士此書在永時作也書云前過三十七年與瞬息無異以其年考之當在元和四年作建與崔羣敦詩最厚集中有送羣序嘗及之故此書末及裴應叔蕭思諶且及敦詩云

杓直足下州傳遽至

傳音篆
傳驛也

得足下書又於夢得處得

足下前一次書意皆勤厚莊周言逃蓬藿者

藿徒
吊切

聞人

足音則跢然喜

跢巨
恭切

僕在蠻夷中比得足下二書及致

藥餌喜復何言僕自去年八月來痞疾稍已往時間一

二日作今一月乃二三作用南人檳榔餘甘破決壅隔

一作
塞

大過陰邪雖敗已傷正氣行則膝顫坐則髀痺

顫
音

戰髀音陞痺必
至切濕病也

所欲者補氣豐血彊筋骨輔心力有與

此宜者更致數物得良方偕至益善永州於楚為最

南狀與越相類僕悶即出遊遊復多恐涉野則有蝮虺

大蜂

蝮芳六切說文虫也爾雅謂之蝮

仰空視地寸步勞倦近水即畏

射工沙蟲含怒竊發中人形影動成瘡疣

一作痛羽執切瘡疣也

時

到幽樹好石輒得一笑已復不樂何者譬如囚拘圜土

一遇和景出負牆搔摩伸展支體當此之時亦以為適

然顧地窺天不過尋丈終不得出豈復能久為舒暢哉

明時百姓皆獲歡樂僕士人頗識古今理道獨愴愴如

此誠不足為理世下執事至此愚夫愚婦又不可得竊

自悼也僕曩時所犯足下適在禁中備觀本末不復一
一言之今僕瘵殘頑鄙不死幸甚苟為堯人不必立事
程功唯欲為量移官差輕罪累使便耕田藝麻娶老農
女為妻生男育孫以供力役時時作文以詠太平推傷
之餘氣力可想假令病盡已身復壯悠悠人世越不過
為四十年客耳前過三十七年與瞬息無異復所得者
其不足把玩亦已審矣杓直以為誠然乎僕近求得經
史諸子數百卷常候戰悸稍定時即伏讀頗見聖人用

心賢士君子立志之分著書亦數十篇心病言少次第不足遠寄但用自釋貧者士之常今僕雖羸餒亦甘如飴矣足下言已白常州煦僕

煦吁句切又況羽切吹也

僕豈敢衆人

待常州耶若衆人即不復煦僕矣然常州未嘗有遺僕僕安敢先焉裴應叔蕭思謙僕各有書足下求取觀之相戒勿示人敦詩在近地簡人事今不能致書足下默以此書見之勉盡誠慮輔成一王之法以宥罪戾不悉宗

元白

與顧十一郎書

觀集中送苑論叙謂初與論同薦於京師是歲小司徒顧公守春官

之缺而權擇士之柄明年春同趙權衡之下並就輕重之試顧公益少連也今以門下具官致書於顧君意者必少連子也少連傳卒年六十三贈尚書左僕射謚曰敬而此書云中山劉禹錫等遑遑憂惕無日不在信臣之門以務白大德順宗時顯贈榮謚揚於天官敷於天下以為親戚門生光寵則贈謚之榮亦諸門生之力歟傳又云始少連携少子師閔奔行在有詔同止翰林院則顧氏子豈師閔耶公時尚謫永州故懇懇猶有酬德之意云一作十一郎

四月五日門生守永州司馬員外置同正員柳宗元謹致書十一郎執事凡號門生而不知恩之所自者非人

也纓冠束衽而趨以進者咸曰我知恩知恩則惡乎辨

然而辨之亦非難也大抵當隆赫柄用而蜂附蟻合煦

煦趨趨

煦吁句切吹也趨千余切趨趨也

便辟匍匐以非乎人而售乎

已若是者一旦勢異則電滅颺遊

颺卑逆切

不為門下用矣

其或少知恥懼恐世之人非已也則矯於中以貌於外

其實亦莫能至焉然則當其時而確固自守蓄力秉志

不為向者之態則於勢之異也固有望焉大凡以文出

門下由庶士而登司徒者七十有九人執事試追狀其

態則果能効用者出矣然而中間招衆口飛語譁然譁
張者豈他人耶夫固出自門下賴中山劉禹錫等皇皇
憂惕無日不在信臣之門以務白大德順宗時顯贈榮
謚揚於天官數於天下以為親戚門生光寵不意璫璫

者

璫音鎖碎也晉書習鑿齒傳璫璫常流碌碌凡士

復以病執事此誠私心痛

之埋鬱沟湧不知所發常以自恨在朝不能有奇節宏
議以立於當世卒就廢逐居窮厄又不能著書斷往古
明聖法以致無窮之名進退無以異於衆人不克顯明

門下得士之大今抱德厚蓄憤悱思有以効於前者則

既乖謬於時離散擯抑

擯必刃切弃也

而無所施用長為孤囚

不能自明恐執事終以不知其始偃蹇退匿者將以有

為也猶流於向時求進者之言而下情無以通盛德無

以酬用為大恨固常不欲言之今懼老死瘴土而他人


無以辨其志故為執事一出之古之人恥躬之不逮倘

或萬萬有一可冀復得處人間則斯言幾乎踐矣因言

感激浪然出涕

浪音郎流貌

書不能既宗元謹再拜



柳河東集卷三十